



下港人的特產

我逐擺收著高屏、雲嘉南地區的朋友寄來的農產品擺會感動甲驚一趔。明明通知我講，寄一寡仔分我食，結果收著的是濟甲滿墘的好意份厚厚的人情味。真正是下港人的「特產」。

大姊嫁仔大樹，五月擺講欲寄幾粒仔當著時的王梨、荔枝請我。幾粒仔哪會變幾若箱？伊家已厝買仔臺南，樣仔咧大出的時，金煌、愛文、玉文綴時間表寄，予我食免驚，閣附送二十包樣仔乾。阮兜才四个人，雖然是菜園果子園，毋過規箱十斤一下仔喝熟就做伙熟，較勢嘛食袂赴。阮一个躑萬丹的學妹，送我家已種的紅豆仔，竟然是用桶仔寄予我，講欲予我補血，這款的熱情，真正隨予我血氣旺，拚欲共愛傳落去！

高雄的同學大部份是仔下港嫁娶，有足濟人是娶著有田有園的臺南新婦。阮一个咧做教授的國中同學，仔過年彼站仔，招逐家免錢去個丈人爸仔新營的田裡薅菜頭，我躑臺北傷遠綴袂著陣，伊講無要緊，才寄寡予我。想袂到，個拜六去薅，我禮拜就收著一箱菜市仔人咧大賣的菜頭，上無二十斤，逐條擺若籠面的，我感動甲嘛驚甲目屎比菜頭較大粒。我哪食會去？只好厝邊隔壁，學校的好朋友一人兩三條，分甲逐個有。彼禮拜定定聽食有著的人呵咾講好食，我就會緊共教授同學說多謝。

雲林 57 號的番薯上有名，我有一改好心教人讀朗讀稿，任務成功，拄好番薯當出，伊講寄一寡予我。我想講番薯好物會園得，十斤一箱免驚，一下仔就食煞。想袂到我收著兩大布袋，我看一下愣仔遐，連扛起來阮兜的宅配員都那拖那喝忝。我敲電話去共說多謝，伊講：「啊都看細粒的嘛足嬌，就順紕啊！」著啦！下港人買菜擺會份蔥仔。我就閣開始仔阮這棟大樓走運動會送番薯囉！

我的喙角有一粒痣，細漢有人笑我彼粒痣是饞食痣，查某因仔人予人講饞足歹聽，我逐擺聽人按呢講就隨變面。阿公就提面相的冊報我看，講彼是有食福，一世人毋驚去朽著。有影呢！感謝天公伯仔，賜我頭路穩定、胃腸勇健，三不五時有朋友相請，是躑的食天公，躑人有躑福，正港的幸福。阮查某团的男朋友嘉義人，親情五十擺是農友，王梨、番麥、柑仔蜜、梨仔、柚仔、柳丁……。查某团滾耍笑講，對方按算寄甲一百箱，就欲來講親情。敢有影？若會成，我的食福痣是對對對。

作者：王秀容

☆詞彙學習☆

【菜園】tshài-kok：本文指愛吃菜之意。

【變面】pinn-bīn：翻臉。

【按算】àn-sng：打算。

【大賣】tuā-bē/buē：批發。批發的生意，指成批買賣商品。

【親情五十】tshin-tsiānn-gōo-tsáp：親朋好友。泛指所有的親戚和朋友。

【講親情】kóng-tshin-tsiānn：說親、談論婚事。

【饞食】sai-tsiāh：貪吃。

【對】tuì：準確契合。